



Na osnovu člana 14.3 stav (6) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20104, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13) i člana 91. Pravilnika o načinu provođenja izbora u Bosni i Hercegovini ("Službeni glasnik BiH", broj 37/10, 71/10, 22/11 i 61/12) Centralna izborna komisija Bosne i Hercegovine je na 51. sjednici, održanoj 12.12.2013. godine, **d o n i j e l a**

UPUTSTVO

o rokovima izbornih aktivnosti za održavanje prijevremenih izbora za načelnika Općine Banovići

Član 1.

(1) Centralna izborna komisija Bosne i Hercegovine (u daljem tekstu: Centralna izborna komisija BiH) je na 51. sjednici, održanoj dana 12.12.2013. godine, donijela Odluku o raspisivanju prijevremenih izbora za načelnika Općine Banovići.

(2) Prijevremeni izbori za načelnika Općine Banovići održat će se u **nedjelju, 16.02.2014. godine.**

Član 2.

(1) **Rokovi teku** od 12.12.2013. godine.

(2) **Prijave za ovjeru političkih stranaka i nezavisnih kandidata** podnose se Centralnoj izbornoj komisiji BiH najkasnije u roku od 5 dana od dana raspisivanja prijevremenih izbora, odnosno u periodu od 13.12.2013. godine zaključno sa 17.12.2013. godine, do 16.00 sati.

(3) **Zahtjevi za ovjeru koalicija** podnose se Centralnoj izbornoj komisiji BiH najkasnije u roku od 13 dana od dana raspisivanja prijevremenih izbora, odnosno zaključno sa 25.12.2013. godine, do 16.00 sati.

(4) **Krajnji rok za registraciju novih birača koji glasaju putem pošte** na prijevremenim izborima za načelnika Općine ne može biti kraći od 20 dana od dana raspisivanja prijevremenih izbora, odnosno ističe 03.01.2014. godine.

(5) **Prijavu kandidata za načelnika Općine ovjereni politički subjekti** podnose Centralnoj izbornoj komisiji BiH najkasnije 23 dana od dana raspisivanja prijevremenih izbora, odnosno zaključno sa 03.01.2014. godine, do 16.00 sati.

(6) **Žrijebanje za utvrđivanje redoslijeda političkih subjekata na glasačkim listićima** obaviti će se u sjedištu Centralne izborne komisije BiH u Sarajevu, Danijela Ozme br. 7, dana 06.01.2014. godine, u 12.00 sati.

(7) **Odluku o ovjeri kandidata za načelnika Općine za učešće na prijevremenim izborima** Centralna izborna komisija BiH donosi najkasnije u roku od 10 dana od dana podnošenja prijava, odnosno najkasnije do 13.01.2014. godine.

(8) **Objava konačnih listi kandidata u službenim glasilima** obaviti će se najkasnije 25 dana prije dana održavanja prijevremenih izbora, odnosno do 22.01.2014. godine.

(9) **Centralni birački spisak** se zaključuje 20 dana prije dana održavanja prijevremenih izbora, odnosno zaključno sa 27.01.2014. godine.

(10) **Objavljivanje broja upisanih birača u Centralni birački spisak** za općinu za koju se provode prijevremeni izbori obaviti će se u roku 17 dana prije dana održavanja prijevremenih izbora, odnosno najkasnije do 30.01.2014. godine.

(11) **Imenovanje članova biračkih odbora** vrši nadležna općinska izborna komisija u skladu sa sljedećim rokovima:

a) Nadležna općinska izborna komisija dostavlja svim ovjerenim političkim subjektima poziv da prisustvuju postupku žrijebanja za određivanje zastupljenosti političkih subjekata u biračkim odborima najkasnije 30 dana prije dana održavanja prijevremenih izbora, odnosno do 17.01.2014. godine.

b) Žrijebanje za određivanje zastupljenosti političkih subjekata u biračkim odborima obavlja se najkasnije u roku od 25 dana prije dana održavanja prijevremenih izbora, odnosno do 22.01.2014. godine.

c) Politički subjekti dostavljaju prijedloge kandidata za članstvo u biračkim odborima najkasnije 20 dana prije dana održavanja prijevremenih izbora, odnosno do 27.01.2014. godine.

d) Nadležna općinska izborna komisija imenuje članove biračkih odbora i dostavlja akte o imenovanju članova biračkih odbora Centralnoj izbornoj komisiji BiH najkasnije u roku od 15 dana prije dana održavanja prijevremenih izbora, odnosno do 01.02.2014. godine.

e) Obuka članova općinskih izbornih komisija održat će se od 27.01.2014. godine do 30.01.2014. godine.

f) Obuka članova biračkih odbora održat će se u periodu od 15 dana do 7 dana prije dana održavanja prijevremenih izbora, odnosno od 01.02.2014. godine do 09.02.2014. godine.

(12) **Određivanje lokacija biračkih mjesta, objavu i dostavu podataka o određenim lokacijama Centralnoj izbornoj komisiji BiH**, nadležna općinska izborna komisija obaviti će najkasnije u roku od 15 dana prije dana održavanja prijevremenih izbora, odnosno najkasnije do 01.02.2014. godine.

(13) **Medijsko predstavljanje političkih subjekata** počinje 15 dana prije dana održavanja prijevremenih izbora, odnosno od 01.02.2014. godine.

(14) **Neposredno obraćanje političkih subjekata putem elektronskih medija** počinje 15 dana prije dana održavanja prijevremenih izbora, odnosno od 01.02.2014. godine.

(15) **Zahtjevi za akreditiranje posmatrača političkih subjekata** podnose se izbornim komisijama najkasnije 7 dana prije dana održavanja prijevremenih izbora, odnosno do 09.02.2014. godine.

(16) **Zahtjevi za akreditiranje posmatrača iz udruženja građana** podnose se Centralnoj izbornoj komisiji BiH najkasnije 7 dana prije dana održavanja prijevremenih izbora, odnosno do 09.02.2014. godine.

(17) **Zabrana objavljivanja rezultata ispitivanja javnog mnijenja** počinje 48 sati prije otvaranja biračkih mjesta i traje do zatvaranja biračkih mjesta, odnosno u periodu od 14.02.2014. godine u 07,00 sati do 16.02.2014. godine do zatvaranja biračkih mjesta.

(18) **Zahtjevi za akreditiranje međunarodnih posmatrača** podnose se Centralnoj izbornoj komisiji BiH najkasnije 1 dan prije dana održavanja izbora, odnosno do 15.02.2014. godine.

(19) **Izborna šutnja** počinje 24 sata prije otvaranja biračkih mjesta i traje do zatvaranja biračkih mjesta, odnosno u periodu od 15.02.2014. godine u 07,00 sati do 16.02.2014. godine do zatvaranja biračkih mjesta.

(20) **Centralna izborna komisija BiH će posebnom odlukom formirati Glavni centar za brojanje** za prijevremene izbore najkasnije do 14.02.2014. godine.

(21) **Unos i obrada rezultata izbora elektronskim putem** vrši se od 16.02.2014. godine u sljedećim rokovima:

a) prikupljanje obrazaca sa biračkih mjesta od 21,00 do 21,30 sati

b) unos rezultata od 21,30 do 22,00 sata

c) objava preliminarne nezvaničnih i nekompletnih rezultata izbora do 22,30 sati.

(22) **Birački odbori vrše dostavu rezultata glasanja i kompletan izborni materijal** do nadležne općinske izborne komisije, najkasnije u roku od 12 sati po zatvaranju biračkih mjesta, odnosno do 17.02.2014. godine do 7,00 sati.

(23) **Općinska izborna komisija** dostavlja zapisnike sa objedinjenim zbirnim rezultatima glasanja na nivou općine Centralnoj izornoj komisiji BiH najkasnije 24 sata po zatvaranju biračkih mjesta, odnosno najkasnije do 17.02.2014. godine, do 19,00 sati.

(24) **Preliminarne nezvanične i nekompletne rezultate prijevremenih izbora za načelnika Općine** Centralna izborna komisija BiH objavit će 24 sata po zatvaranju biračkih mjesta i po dobijanju rezultata od nadležne općinske izborne komisije, odnosno 17.02.2014. godine u 19,00 sati.

(25) **Krajnji rok za prijem glasačkog materijala za glasače putem pošte**, je 5 dana od dana održavanja izbora, odnosno zaključno sa 21.02.2014. godine, sa otiskom pečata pošte sa datumom održavanja izbora.

(26) **Utvrđivanje i objavu rezultata prijevremenih izbora za načelnika Općine** Centralna izborna komisija BiH obaviti će najkasnije u roku od 10 dana od dana održavanja prijevremenih izbora, odnosno do 26.02.2014. godine.


(27) **Podnošenje zahtjeva za ponovno brojanje glasačkih listića** vrši se u roku od 3 dana od dana objave rezultata prijevremenih izbora.

Član 3.

Ovo Uputstvo stupa na snagu danom donošenja i objavit će se u "Službenom glasniku BiH" i na web stranici Centralne izborne komisije Bosne i Hercegovine, www.izbori.ba.

Broj: 06-1-07-1-1298-4/13

Sarajevo, 12.12.2013. godine



Predsjednik

Jepan Mikić